



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-10/12
Sarajevo, 27.2.2012. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 27-02-2012			
Organizaciona jedinica	Klasifikaciona oznaka	Redni broj	Broj priloga
01-50-1-15-12		12	11

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 2. sjednici održanoj 23.2.2012. godine, utvrdilo je Odgovor na zastupničko pitanje koje je postavila Nermina Čemalović, zastupnica u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupnici.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-10/12
Sarajevo, 23.2.2012. godine

Nermina Čemalović, poslanica u Predstavničkom domu Parlamentarne skupštine Bosne i Hercegovine, na 13. sjednici Predstavničkog doma, održanoj 10. novembra 2011. godine, postavila je slijedeće poslaničko pitanje:

»Sa kojim državama pored Republike Francuske Bosna i Hercegovina ima potpisan Sporazum o priznavanju vozačkih dozvola? U kojoj fazi su pregovori o međudržavnim priznavanjima i zamjeni vozačkih dozvola bez polaganja teoriskog i praktičnog dijela ispita izdatih od strane nadležnih organa Italije i Bosne i Hercegovine, i kada bh dijasporai u Italiji može očekivati potpisivanje ovog međudržavnog sporazuma«.

Na postavljeno poslaničko pitanje, Vijeće ministara Bosne i Hercegovine, u smislu člana 37. Zakona o Vijeću ministara Bosne i Hercegovine ("Službenik glasnik BiH", br. 30/03, 42/03, 81/06, 76/07, 81/07, 94/07 i 24/08)), na 2. sjednici održanoj 23.2.2012. godine, utvrdilo je slijedeći

ODGOVOR

Bosanskohercegovačke vozačke dozvole „B“ kategorije pored Republike Francuske su priznate i od strane Republike Austrije.

Što se tiče Sporazuma sa Republikom Italijom, u vezi priznavanja vozačkih dozvola navodimo kako je Ministarstvo transporta Republike Italije još u 2008.godini putem Ambasade Bosne Hercegovine u Rimu, a preko Ministarstva vanjskih poslova Bosne i Hercegovine uputilo notu kojom je Ministarstvo komunikacija i prometa Bosne i Hercegovine obavjestilo o pokretanju inicijative za zaključenje bilateralnog sporazuma o recipročnom priznavanju vozačkih dozvola između Bosne i Hercegovine i Republike Italije.

U skladu s članom 10. Zakona o ministarstvima i drugim tijelima uprave Bosne i Hercegovine ("Službeni glasnik BiH", broj 5/03, 42/03, 26/04, 42/04, 45/06, 88/07 i 35/09) Ministarstvo komunikacija i prometa Bosne i Hercegovine, mjerodavno je za međunarodni i međuentiteski promet.

U vezi sa dostavljenom notom, a sukladno sa pomenutim članom Zakona o ministarstvima i drugim tijelima uprave Bosne i Hercegovine, Sektor za promet Ministarstva komunikacija i prometa Bosne i Hercegovine putem Ministarstva vanjskih poslova Bosne i Hercegovine dostavlja odgovor, odnosno saglasnost o prihvatanju pokretanja inicijative za postizanje navedenog Sporazuma.

Slijedom navedenog, svojim dopisima italijanska strana je od Ministarstava komunikacija i prometa Bosne i Hercegovine putem Ministarstva vanjskih poslova Bosne i Hercegovine, kao i naših ambasada i konzulata u Italiji tražila dostavljanje dokumenata i podataka vezanih za BiH vozačke dozvole (Pravilnik o vozačkim dozvolama, Pravilnik o osposobljavanju za vozača motornih vozila, specimene vozačkih dozvola), kao i drugih informacija važnih za postizanje sporazuma.

Ministarstvo komunikacija i prometa BiH je italijanskoj strani dostavilo sve tražene dokumente, kao i druge informacije važne za postizanje sporazuma.

Dana 09.08.2010.godine u Ministarstvo komunikacija i prometa BiH je pristigao dopis Ministarstva vanjskih poslova BiH kojim informišu Ministarstvo da je italijanska strana prihvatila dokumentaciju, te se očekuje odgovor oko postizanja sporazuma.

U pomenutom dopisu je naglašeno da se pomenuti Sporazum može postići razmjenom verbalnih nota između Bosne i Hercegovine i Republike Italije.

U iščekivanju pozitivnog odgovora, Ambasada Republike Italije se putem Ministarstva vanjskih poslova Bosne i Hercegovine ponovno obratila dopisima od 03.06.2011. godine i 14.09.2011. godine Ministarstvu komunikacija i prometa Bosne i Hercegovine sa dodatnim pitanjima, na koje je Ministarstvo komunikacija 21.09.2011. godine dostavilo odgovor.

Obzirom da je Ministarstvo komunikacija i prometa Bosne i Hercegovine dostavilo sve tražene odgovore i dokumente, očekuje se odgovor od Italijanske strane.